



Lefel
4

MEINI PRAWF CYMERADWYO

Eiriolaeth Annibynnol

Cynnwys

	Rhif tudalen
Cyflwyniad	1
Strwythur y cymhwyster	2
Nodau ac amcanion y pwnc	3
Cynnwys y pwnc	3
Cynllun asesu	4
Canlyniadau	5
Cyflwyno cymwysterau i'w cymeradwyo	5
Gofynion rhesymegol	6
Gofynion gweithredol	6
Atodiad A	9

Mae hon yn **Ddogfen Reoleiddio** o dan **Amod B7** o'r *Amodau Cydnabod Safonol (Hydref 2018)*¹: *Cydymffurfio â Dogfennau Rheoleiddio*.

¹ <https://www.qualificationswales.org/cymraeg/cyhoeddiadau/amodau-cydnabod-safonol/>

Cyflwyniad

Mae'r ddogfen hon yn nodi'r meini prawf cymeradwyo ar gyfer y cymhwyster Lefel 4 Eiriolaeth Annibynnol. Datblygwyd y rhain drwy ymgysylltu â rhanddeiliaid, a oedd yn cynnwys grwpiau ffocws ac arolygon ar-lein. Mae'r meini prawf cymeradwyo hyn yn cynnwys y gofynion y mae'n rhaid i gorff dyfarnu eu bodloni wrth ddatblygu'r fanyleb a deunyddiau asesu ar gyfer y cymhwyster Lefel 4 Eiriolaeth Annibynnol.

Nod y cymhwyster hwn yw datblygu'r wybodaeth, y ddealltwriaeth, yr ymddygiadau a'r sgiliau sy'n sail i rolau ym maes Eiriolaeth Annibynnol.

Datblygwyd y cymhwyster hwn mewn cydweithrediad agos â rhanddeiliaid sector allweddol, gan gynnwys Gofal Cymdeithasol Cymru ac Addysg a Gwellu Iechyd Cymru (HEIW).

Cynlluniwyd y cymhwyster hwn i'w ddarparu gan ystod o ddarparwyr addysg, gan gynnwys addysg mewn gweithle, addysg bellach ac addysg uwch, ar gyfer dysgwyr sy'n 18 oed ac yn hŷn.

Lle bo'n briodol, dylai'r cymhwyster hwn alluogi dysgwyr i ddatblygu sgiliau trosglwyddadwy, gan gynnwys cyfathrebu, llythrennedd, cymhwysedd digidol a rhifedd.

Bydd y meini prawf cymeradwyo yn y ddogfen hon yn dod i rym o fis Ionawr 2020 ac yn cael eu hadolygu yn 2022.

Ym mis Mawrth 2017, cyhoeddodd Cymwysterau Cymru benderfyniad i gyfyngu ar gyfres newydd o gymwysterau ym maes Iechyd a Gofal Cymdeithasol, a Gofal Plant² ar gyfer addysgu ar raglenni dysgu a ariennir yn gyhoeddus yng Nghymru. Mae'r gyfres hon yn cynnwys y cymhwyster Lefel 4 Eiriolaeth Annibynnol.

Bydd yr holl gymwysterau yn y gyfres yn cael eu cyfyngu i un ffurf yn unig ar gyfer pob cymhwyster am gyfnod o bum mlynedd. Ar gyfer y cymhwyster hwn, bydd y cyfnod yn dechrau ar 1 Medi 2020. Mae hyn yn golygu mai dim ond un corff dyfarnu a gaiff ddyfarnu pob cymhwyster. Ar ôl proses gaffael deg a thryloyw a gynhaliwyd rhwng Ionawr 2017 ac Awst 2017, mae Cymwysterau Cymru wedi contractio gyda chonsortium o City & Guilds of London Institute a CBAC i ddatblygu a chyflwyno'r holl gymwysterau yn y gyfres ar y cyd.

² <https://www.qualificationswales.org/media/2534/230517-determination-to-restrict-hsc-final-w.pdf>

Dim ond cymwysterau sy'n bodloni'r holl ofynion a nodir yn y ddogfen hon ynghyd â'r rhai a nodir yn yr *Amodau Cydnabod Safonol*³ y bydd Cymwysterau Cymru yn eu gymeradwyo. Wrth ddatblygu cymwysterau i fodloni'r gofynion hyn mae'n rhaid i gyrff dyfarnu ystyried *Mynediad Teg drwy Ddylunio*⁴. Rhaid i'r corff dyfarnu a gomisiynir hefyd fodloni'r holl ofynion a nodir yn y contract consesiynau a ddyfarnwyd yn ystod camau datblygu, cymeradwyo, gweithredu a chyflwyno'r cymhwyster.

Pan fo gofynion y Meini Prawf Cymeradwyo Pwnc a nodir yn y ddogfen hon yn wahanol i'r rhai a ragnodir yn yr *Amodau Cydnabod Safonol*, bydd y gofynion yn y ddogfen hon yn cael blaenoriaeth.

Strwythur a chynllun y cymhwyster

1. Rhaid i'r fanyleb ar gyfer Lefel 4 Eiriolaeth Annibynnol gynnig ardstiad cymhwyster i ddysgwyr gyda Chyfanswm Amser Cymhwys (TQT) o 520 awr (52 credyd) a bydd angen ei ddiffinio yn nhermau Oriau Dysgu dan Arweiniad (GLH).
2. Mae i'r cymhwyster Lefel 4 Eiriolaeth Annibynnol gynnwys gorfodol (Grŵp A) a chynnwys dewisol (Grŵp B) (gweler Atodiad A).
3. Rhaid grwpio'r cynnwys dewisol (Grŵp B) yn bedwar llwybr cymeradwy:
 - 3.1 Eiriolaeth Annibynnol gydag Oedolion
 - 3.2 Eiriolaeth Annibynnol gyda Phlant a Phobl Ifanc
 - 3.3 Eiriolaeth Iechyd Meddwl Annibynnol
 - 3.4 Eiriolaeth Galluedd Meddyliol Annibynnol
4. Rhaid i deitl y cymhwyster sy'n ymddangos ar dystysgrifau fod fel a ganlyn:

Lefel 4 Eiriolaeth Annibynnol

5. Rhaid i gynllun Lefel 4 Eiriolaeth Annibynnol sicrhau y caiff nodau ac amcanion y pwnc eu hadlewyrchu yn yr asesiadau er mwyn galluogi dysgwyr i ddangos eu gwybodaeth, eu sgiliau a'u dealltwriaeth.
6. Rhaid i fanyleb Lefel 4 Eiriolaeth Annibynnol nodi unrhyw reolau cyfuno sy'n berthnasol i'r unedau dewisol.

³ <https://qualifications.wales/cymraeg/ein-gwaith/rheoleiddio-cyrff-dyfarnu/monitro-cyrff-dyfarnu/>

⁴ <https://www.cymwysteraucymru.org/media/4740/mynediad-teg-drwy-ddylunio.pdf>

Nodau ac amcanion y pwnc

7. Rhaid i Lefel 4 Eiriolaeth Annibynnol alluogi dysgwyr i ddatblygu ac arddangos eu gwybodaeth, eu dealltwriaeth, eu hymddygiadau, eu sgiliau a'u hymarfer o fewn cyd-destun eu harbenigedd dewisedig. Yn benodol, dylai dysgwyr allu dangos eu bod yn:
 - 7.1 datblygu a chymhwyso gwybodaeth, dealltwriaeth a sgiliau o fewn y llwybr a ddewiswyd;
 - 7.2 datblygu a chymhwyso gwybodaeth a dealltwriaeth o ddeddfwriaeth sy'n berthnasol, a chonfensiynau ac offerynnau hawliau dynol sy'n berthnasol i'r llwybr a ddewiswyd;
 - 7.3 datblygu a chymhwyso gwybodaeth a dealltwriaeth o sut i sicrhau bod barn, dymuniadau a dewisiadau plant a phobl ifanc/unigolion a/neu ofalwyr yn cael eu cynrychioli;
 - 7.4 datblygu fel dysgwyr effeithiol ac annibynnol, ac fel meddylwyr beirniadol a myfyriol sydd â meddyliau chwilfrydig yng nghyd-destun y llwybr a ddewiswyd;
 - 7.5 defnyddio dull ymchwilgar a beirniadol i sicrhau bod egwyddorion eiriolaeth yn sail i arfer;
 - 7.6 datblygu hunanymwybyddiaeth er mwyn gwella ymarfer yn y llwybr a ddewiswyd;
 - 7.7 datblygu a chymhwyso gwybodaeth a dealltwriaeth o hawliau mewn ystod o leoliadau/cyd-destunau;
 - 7.8 defnyddio sgiliau llythrennedd, rhifedd a chymhwysedd digidol fel sy'n briodol o fewn eu rôl.

Cynnwys y pwnc

8. Mae'n rhaid i gynnwys manyleb Lefel 4 Eiriolaeth Annibynnol adlewyrchu nodau ac amcanion y pwnc.
9. Mae'n rhaid i fanyleb Lefel 4 Eiriolaeth Annibynnol gynnwys y cynnwys gorfodol (Grŵp A) a bennir yn Atodiad A.

10. Mae'n rhaid i fanyleb Lefel 4 Eiriolaeth Annibynnol gynnwys y llwybrau canlynol:

- 10.1 Eiriolaeth Annibynnol gydag Oedolion
- 10.2 Eiriolaeth Annibynnol gyda Phlant a Phobl Ifanc
- 10.3 Eiriolaeth Iechyd Meddwl Annibynnol
- 10.4 Eiriolaeth Galluedd Meddyliol Annibynnol

11. Nodir y cynnwys ar gyfer pob llwybr yn Atodiad A (Grŵp B).

Cynllun asesu

12. Caiff Lefel 4 Eiriolaeth Annibynnol ei asesu drwy:

- 12.1 bortffolio o dystiolaeth;
- 12.2 arsylwi ar ymarfer;
- 12.3 cofnod myfyriol
- 12.4 cyfrif sy'n gysylltiedig â deddfwriaeth; a
- 12.5 thrafodaeth broffesiynol.

13. Rhaid i bob asesiad (y manylir arnynt ym mharagraff 12) ymdrin â chyfran sylweddol o'r cynnwys. Ar gyfer pob llwybr, rhaid cwmpasu'r holl gynnwys gorfodol a ddisgrifir yng Ngrŵp A, a'r cynnwys ar gyfer y llwybr dewisedig a ddisgrifir yng Ngrŵp B, ar draws yr asesiadau. Wrth gyflwyno'r cymhwyster i'w gymeradwyo, bydd yn ofynnol i'r corff dyfarnu ddarparu rhesymeg sy'n esbonio ei ddull o benderfynu pa gynnwys sy'n dod o dan ba gydran asesu.

14. Rhaid i'r fanyleb nodi math a maint y dystiolaeth i'w chasglu at ddibenion asesu.

15. Rhaid i'r cymhwyster fod yr un mor heriol i bob dysgwr, ni waeth pa unedau a ddilynir.

16. Rhaid i'r cynllun asesu sicrhau:

- 16.1 bod y meini prawf a'r gofynion ar gyfer yr ymarfer a gynhaliwyd, a'r trefniadau ar gyfer asesu'r ymarfer hwn, wedi'u nodi'n glir;
- 16.2 bod unrhyw amodau a ganiateir ar gyfer cynnal asesiadau drwy efelychu wedi'u nodi'n glir, gan gynnwys enghreifftiau o amgylchedd gwaith realistig.

17. Rhaid dangos tystiolaeth o'r holl ganlyniadau dysgu ar gyfer y cynnwys dewisol drwy'r asesiadau.
18. Rhaid i'r meini prawf marcio ddangos sut mae pob agwedd ar asesu yn ymwneud â'r canlyniadau dysgu.
19. Rhaid bod cyfleoedd asesu ar gyfer Lefel 4 Eiriolaeth Annibynnol ar gael drwy gydol y flwyddyn.
20. Mae'n rhaid i fanyleb Lefel 4 Eiriolaeth Annibynnol gynnwys manylion ar gyfleoedd i ailgyflwyno.

Canlyniadau

21. Bydd dysgwyr sy'n cwblhau'r holl asesiadau gofynnol yn llwyddiannus (gan fodloni unrhyw reolau cyfuno) yn cael eu hardystio.
22. Rhaid i deitl y cymhwyster sy'n ymddangos ar dystysgrifau gynnwys enw'r llwybr ardystiedig mewn cromfachau. (Gweler meini prawf cymeradwyo 3.)

Cyflwyno cymwysterau i'w cymeradwyo

23. Wrth gyflwyno cymhwyster i Cymwysterau Cymru i'w gymeradwyo, rhaid i'r coff dyfarnu ddarparu:
 - 23.1 dogfen fanyleb;
 - 23.2 ystod gynrychioliadol o ddeunyddiau asesu enghreifftiol, sy'n dangos amrywiaeth o lwybrau cymharol;
 - 23.3 dogfen esboniadol (dogfen resymeg) sy'n amlinellu'r rhesymegy tu ôl i brif nodweddion cynllunio'r cymhwyster a gynigir a sut maen nhw'n alinio â chasgliadau Adolygiad y Sector o Gymwysterau a'r System Gymwysterau ym maes Iechyd a Gofal Cymdeithasol, gan gynnwys gofal plant a gwaith chwarae;⁵

⁵ <https://qualifications.wales/cymraeg/cymwysterau/cymwysterau-galwedigaethol/adolygiadau-sector/iechyd-gofal-cymdeithasol-a-gofal-plant/>

Gofynion rhesymegol

24. Pwrpas y ddogfen resymeg yw cefnogi'r broses o adolygu a chymeradwyo cymwysterau ac ni fwriedir iddi gael ei chyhoeddi.
25. Rhaid i'r ddogfen resymeg gynnwys esboniad dros:
- 25.1 strwythur y cymhwyster, gan esbonio'r rhesymau dros y ffordd y mae'r cynnwys wedi'i strwythuro;
 - 25.2 y dull o ddatblygu tasgau;
 - 25.3 y strwythur asesu, gan gynnwys, lle y bo'n briodol, nifer, dyraniad y marciau a hyd yr asesiadau;
 - 25.4 y cyfleoedd asesu sydd ar gael a'r dull o sicrhau bod y cyfleoedd hynny ar gael drwy gydol y flwyddyn;
 - 25.5 dehongli'r canlyniadau dysgu a sut maen nhw'n berthnasol i'r gwahanol gydrannau asesu;
 - 25.6 dyluniad deunyddiau a chanllawiau asesu enghreifftiol, gan gynnwys y math a'r ystod o dasgau asesu ar draws y cymhwyster a'u perthynas â'r canlyniadau dysgu;
 - 25.7 sut y caiff y meini prawf marcio eu dylunio a'u cymhwyso;
 - 25.8 sut mae'r cymhwyster yn adlewyrchu cyd-destun Cymreig;
 - 25.9 y broses a ddefnyddir i ddyfarnu'r cymwysterau hyn yn gyson ac i'r lefel briodol, gan gynnwys y broses ar gyfer gosod a chynnal safonau;
 - 25.10 y broses a ddefnyddir i ddyfarnu'r cymhwyster, gan gynnwys y rhesymeg ar gyfer y ffin basio/methu arfaethedig wrth asesu a dyfarnu'r cymhwyster.

Gofynion gweithredol

26. Rhaid i'r fanyleb a/neu'r wybodaeth ategol nodi'r gofynion o ran gwybodaeth a chymhwysedd (pwnc ac asesu/sicrhau ansawdd) ar gyfer aseswyr, ac aswirwyr ansawdd mewnol ac aswirwyr ansawdd allanol, sy'n briodol ar gyfer cymhwyster ar y lefel hon.

27. Rhaid i fanyleb y cymhwyster gynnwys manylion penodol am y gofynion gweithredol, gan gynnwys:

27.1 cofrestriadau;

27.2 sicrwydd ansawdd;

27.3 prosesau asesu allanol.

**Rhagor o
wybodaeth**

Dylid cyfeirio ymholiadau ynghylch y ddogfen hon at:

Ymholiadau
Cymwysterau Cymru
Adeilad Q2
Lôn Pencarn
Imperial Park
Coedcernyw
Newport
NP10 8AR

Enquires@qualificationswales.org

Atodiad A - Lefel 4 Eiriolaeth Annibynnol

Mae'n rhaid i fanyleb Lefel 4 Eiriolaeth Annibynnol gynnwys y canlyniadau canlynol o ran cynnwys a dysgu. Mae hyn yn cyfrif am 100% o gyfanswm cynnwys a chanlyniadau dysgu'r cymhwyster.

Grŵp A: Cynnwys gorfodol

Bydd y cynnwys canlynol yn ffurfio cynnwys ymarfer gorfodol y cymhwyster Lefel 4 Eiriolaeth Annibynnol.

Meysydd Pwnc	Canlyniadau Dysgu
<p>1. Darparu eiriolaeth annibynnol – egwyddorion ac ymarfer</p>	<p>1.1. Deall eiriolaeth annibynnol</p> <p>1.2. Defnyddio egwyddorion eiriolaeth annibynnol yn ymarferol</p> <p>1.3. Cefnogi unigolion i gael mynediad at wasanaethau eiriolaeth annibynnol</p> <p>1.4. Cefnogi unigolion a/neu ofalwyr i fynegi eu barn, eu dymuniadau a'u teimladau drwy eiriolaeth</p> <p>1.5. Cefnogi unigolion a/neu ofalwyr i wneud penderfyniadau</p> <p>1.6. Datblygu eu hymarfer eu hunain fel eiriolwr annibynnol yn barhaus</p> <p>1.7. Herio penderfyniadau drwy eiriolaeth annibynnol</p> <p>1.8. Defnyddio eiriolaeth i ddylanwadu ar newid cymdeithasol, cydraddoldeb a chynhwysiant</p> <p>1.9. Deall dulliau o ddiogelu</p>
<p>2. Deall deddfwriaeth yng nghyd-destun eiriolaeth annibynnol</p>	<p>2.1. Deall pwysigrwydd datblygu gwybodaeth am ddeddfwriaeth yng nghyd-destun eiriolaeth</p> <p>2.2. Deall y Ddeddf Hawliau Dynol</p> <p>2.3. Deall y Ddeddf Cydraddoldeb</p> <p>2.4. Deall y Ddeddf Galluedd Meddyliol</p> <p>2.5. Ddeall y Ddeddf Iechyd Meddwl</p> <p>2.6. Deall deddfwriaeth sy'n ymwneud â phlant a phobl ifanc</p> <p>2.7. Deall Deddf Gwasanaethau Cymdeithasol a Llesiant (Cymru) 2014</p>

Meysydd Pwnc	Canlyniadau Dysgu
	2.8. Deall Deddf Rheoleiddio ac Arolygu Gofal Cymdeithasol (Cymru) 2016 2.9. Deall deddfwriaeth sy'n ymwneud â'r iaith Gymraeg

Grŵp B: Cynnwys y llwybr

Bydd y cynnwys canlynol yn ffurfio cynnwys y llwybrau ar gyfer y cymhwyster Lefel 4 Eiriolaeth Annibynnol.

Meysydd Pwnc	Canlyniadau Dysgu
3. Eiriolaeth Annibynnol gydag oedolion	3.1. Defnyddio deddfwriaeth sy'n ymwneud ag eiriolaeth annibynnol i lywio ymarfer 3.2. Cefnogi unigolion a/neu ofalwyr sy'n cael eu hatgyfeirio ar gyfer eiriolaeth annibynnol 3.3. Cefnogi unigolion a/neu ofalwyr i gyflwyno eu barn, eu dymuniadau a'u dewisiadau mewn cyfarfodydd penderfynu 3.4. Cyflwyno barn, dymuniadau a dewisiadau unigolion a/neu ofalwyr mewn cyfarfodydd lle na allant wneud hynny eu hunain 3.5. Cefnogi unigolion a/neu ofalwyr i ddefnyddio prosesau anffurfiol a/neu ffurfiol i herio penderfyniadau

Meysydd Pwnc	Canlyniadau Dysgu
<p>4. Eiriolaeth Annibynnol gyda phlant a phobl ifanc</p>	<p>4.1. Defnyddio deddfwriaeth sy'n ymwneud ag eiriolaeth annibynnol i lywio ymarfer</p> <p>4.2. Darparu gwybodaeth am gymorth eiriolaeth annibynnol i blant a phobl ifanc</p> <p>4.3. Darparu cynrychiolaeth a chefnogaeth eirioli i blant a phobl ifanc sy'n cael eu hatgyfeirio ar gyfer eiriolaeth annibynnol</p> <p>4.4. Cefnogi plant a phobl ifanc i gyflwyno eu barn, eu dymuniadau a'u dewisiadau mewn cyfarfodydd penderfynu</p> <p>4.5. Cyflwyno barn, dymuniadau a theimladau plant a phobl ifanc mewn cyfarfodydd penderfynu lle nad ydynt yn gallu neu'n dymuno gwneud hynny eu hunain</p> <p>4.6. Cefnogi plant a phobl ifanc i ddefnyddio prosesau anffurfiol a/neu ffurfiol i herio penderfyniadau</p>
<p>5. Eiriolaeth Iechyd Meddwl Annibynnol</p>	<p>5.1. Defnyddio Codau Ymarfer a deddfwriaeth sy'n ymwneud ag iechyd meddwl i lywio ymarfer</p> <p>5.2. Rhoi cymorth i unigolion sy'n defnyddio eiriolaeth heb gyfarwyddyd</p> <p>5.3. Cefnogi unigolion sy'n cael eu hatgyfeirio ar gyfer Eiriolaeth Iechyd Meddwl Annibynnol</p> <p>5.4. Cefnogi unigolion sy'n cael eu hatgyfeirio ar gyfer materion sy'n ymwneud â chyfyngiadau neu amddifadu o ryddid</p> <p>5.5. Sicrhau diogelwch wrth ddarparu cymorth eiriolaeth iechyd meddwl annibynnol</p>

Meysydd Pwnc	Canlyniadau Dysgu
<p>6. Eiriolaeth Galluedd Meddyliol Annibynnol</p>	<p>6.1. Defnyddio Codau Ymarfer a deddfwriaeth sy'n ymwneud â galluedd meddyliol i lywio ymarfer</p> <p>6.2. Rhoi cymorth i unigolion sy'n defnyddio eiriolaeth heb gyfarwyddyd</p> <p>6.3. Deall y prosesau ar gyfer gwneud penderfyniadau</p> <p>6.4. Cefnogi unigolion sy'n cael eu hatgyfeirio ar gyfer penderfyniadau sy'n ymwneud â newid llety tymor hir</p> <p>6.5. Cefnogi unigolion sy'n cael eu hatgyfeirio ar gyfer penderfyniadau sy'n ymwneud â thriniaeth feddygol ddifrifol</p> <p>6.6. Cefnogi unigolion sy'n cael eu hatgyfeirio ar gyfer penderfyniadau sy'n ymwneud ag adolygiadau o'u gofal a'u cymorth</p> <p>6.7. Cefnogi unigolion sy'n cael eu hatgyfeirio ar gyfer penderfyniadau sy'n ymwneud â phryderon o ran diogelwch</p> <p>6.8. Cefnogi unigolion sy'n cael eu hatgyfeirio ar gyfer materion sy'n ymwneud â chyfyngiadau neu amddifadu o ryddid</p>